

Sé greitt eftir fleiri kerfum.

Þeir námsmenn, sem taka lán skv. lögum nr. 21 frá 1992 (R-lán) greiða fyrst afborganir og vexti af þeim lánum, en skuldi þeir eldri lán frestast afborganir þeirra þar til fyrirnefnd R-lán eru að fullu greidd. Eldri lán greiðast síðan eftir reglum sem áður giltu. Hlutfallsstuðull fyrir aukaafborgun T-láns hjá þeim sem hafa fengið meira en helming raunvirðis námslána sinna árin 1976-85 er 3,5% í stað 3,75%. Ef lánþegi greiðir bæði af lánum sem tekin voru á árunum 1976-82 og af lánum sem tekin voru 1982-92, þá dragast afborganir eldri lána frá afborgunum hinna nýju. Enginn afsláttur er veittur af afborgunum lána, sem tekin voru 1982-92, þótt einnig sé verið að greiða af L-lánum.

Vanskil.

Ef lánþegi greiðir ekki afborgun á réttum tíma og hefur ekki samið við sjóðinn um greiðslu, sendir sjóðurinn hana til lögfræðings í innheimtu. Ef lánþegi gerir enn ekki skil, er sjóðnum heimilt að gjaldfella alla skuldina og innheimta hana með hæstu leyfilegu dráttarvöxtum.

Menntamálaráðuneytið, 21. maí 1993.

F. h. r.

Guðriður Sigurðardóttir.

Þorsteinn Gunnarsson.

AUGLÝSING**um skráningu íslensku krónunnar gagnvart erlendum gjaldmiðlum.**

Með heimild í 18. gr. laga nr. 36/1986 um Seðlabanka Íslands um markaðssetningu íslensku krónunnar og erlends gjaldeyris staðfestist að núgildandi gengisvog krónunnar er óbreytt í þessum hlutföllum: Evrópska mynteiningin (ECU) 76%, Bandaríkjadollar 18% og japönsk yen 6%.

Viðskiptaráðuneytið, 25. maí 1993.

F. h. r.

Björn Friðfinnsson.

Finnur Sveinbjörnsson.

REGLUGERÐ**um bókhaldslega aðgreiningu efnivara vegna upprunaréttinda samkvæmt fríverslunarsamningum.**

1. gr.

Ríkistollstjóri getur heimilað framleiðanda vöru, sem notið getur tollfríðinda samkvæmt ákvæðum fríverslunarsamnings EFTA, samnings Íslands og EB eða annarra fríverslunarsamninga, að nota svonefnda bókhaldslega aðgreiningu (segregation by accounting) vegna

notkunar efnivöru til þeirrar framleiðslu, enda sé slík aðgreining ekki bönnuð eða takmörkuð með lögum eða reglum og sýnt sé fram á að eftirfarandi skilyrðum sé fullnægt:

1. Framleiðanda sé nauðsynlegt að geta beitt bókhaldslegri aðgreiningu vegna kostnaðar eða óhagkvæmni við hlutlæga aðgreiningu.
2. Að um eins efnivöru sé að ræða og nota megi á víxl efnivöru sem er upprunavara og efnivöru sem ekki er upprunavara. Í því tilliti verða efnivörurnar að vera sams konar, hafa sama viðskiptagildi og sömu tæknileg og hlutlæg einkenni, og ekki sé hægt að aðgreina þær að því er uppruna varðar í fullunninni vöru vegna einhvers konar merkingar á þeim, auðkennis eða þess háttar.

2. gr.

Framleiðandi skal senda ríkistollstjóra skriflega umsókn um heimild til bókhaldslegrar aðgreiningar þar sem eftirfarandi skal koma fram:

1. Nafn framleiðanda og aðsetur.
2. Hvaða tegundir efnivöru umsóknin taki til.
3. Áætlað magn framleiðsluvara á leyfistímanum, sem almennt verður ekki veittur nema til 24 mánaða, hlutfall erlendrar efnivöru og innlendrar og hversu mikið áætlað er að flytja út og til hvaða landa.
4. Staða birgða hráefna miðað við uppruna og fullbúinnar framleiðslu á umsóknardegi.
5. Yfirlýsing umsækjanda um að:
 - a) skilyrðum 1. gr. reglugerðarinnar sé fullnægt og
 - b) bókhald hans sé með þeim hætti að ljós greinarmunur sé gerður á upprunavörum og öðrum vörum, þannig að með skoðun bókhaldsins sé hægt að ganga úr skugga um, að ekki hafi meira magn af vöru öðlast upprunaréttindi, en verið hefði ef efnivörurnar hefðu verið hlutlægt aðgreindar.

3. gr.

Heimild til bókhaldslegrar aðgreiningar verður ekki veitt nema nægilega tryggt sé að mati ríkistollstjóra að með henni öðlist ekki meira magn vöru upprunaréttindi en verið hefði ef efnivörurnar væru hlutlægt aðgreindar. Í því sambandi verður bókhald framleiðanda að fullnægja eftirfarandi skilyrðum:

1. Með færslum í bókhaldi skal gerður skýr greinarmunur eftir uppruna á efnivörum sem notaðar hafa verið eða eru til í birgðum, þ.e. upprunavara sem:
 - a) að öllu leyti eru upprunnar á Íslandi;
 - b) af öðrum EFTA-uppruna;
 - c) af EB-uppruna; og
 - d) öðrum uppruna og þá hverjum.

Bókhaldsgögn sem varða efnivörur og framleiðsluvörur skulu vera aðgengileg til að auðvelda eftirlit tollyfirvalda. Þá skal vera tryggt samkvæmt bókhaldinu að farið sé að skilmálum skv. 1. gr.

2. Bókhald vegna þess sem hér um ræðir skal ekki taka til lengra tímabils en 24 mánaða. Þegar um er að ræða efnivörur í 50. til 63. kafla tollskrárinnar, sbr. viðauka I við tollalög nr. 55/1987, með síðari breytingum, skal þetta tímabil þó ekki vera lengra en 12 mánuðir. Heimila má þó lengri tíma þegar halda verður efnivörum lengur í birgðum en þessum tíma nemur áður en þær eru teknar í notkun. Að því er varðar efnivörur í nefndum 50. til 63. kafla verður beiðni þar að lútandi að vera rökstudd, og skal heimild ekki veitt til lengri tíma en 24 mánaða og því aðeins að birgðir hafi áður verið skoðaðar.

4. gr.

Ríkistollstjóri getur bundið heimild til bókhaldslegrar aðgreiningar því skilyrði að umsækjandi leggi fram staðfestingu löggilts endurskoðanda um bókhald umsækjanda sé í samræmi við ákvæði reglugerðar þessarar.

5. gr.

Ríkistollstjóri getur afturkallað leyfi til bókhaldslegrar aðgreiningar án fyrirvara, m.a. ef framleiðandi uppfyllir ekki lengur sett skilyrði eða getur ekki tryggt framkvæmd nefnds fyrirkomulags á fullnægjandi hátt.

6. gr.

Reglugerð þessi er sett samkvæmt 1. tölul. 6. gr. og 31. gr. tollalaga nr. 55/1987, með síðari breytingum, til þess að öðlast þegar gildi. Jafnframt fellur úr gildi frá sama tíma reglugerð nr. 560/1983 um sama efni.

Fjármálaráðuneytið, 21. maí 1993.

F. h. r.

Indriði H. Þorláksson.

Ingibjörg Þorsteinsdóttir.

REGLUGERÐ

um eftirlitsgjald vegna lyfjaeftirlits fyrir árið 1993.

1. gr.

Lyfsölum, lyfjagerðum, lyfjaheildsölum, læknum, dýralæknum og sveitarfélögum með lyfjasölu og öðrum lyfjaeftirlitsþegum ber að greiða eftirlitsgjald fyrir árið 1993 vegna lyfjaeftirlits, sbr. 52. og 53. gr. lyfjalaga, nr. 108/1984. Gjaldið er sem hér segir:

	Kr.		Kr.
I. flokkur	204 000	VI. flokkur	396 000
II. flokkur	180 000	VII. flokkur	283 000
III. flokkur	156 000	VIII. flokkur	204 000
IV. flokkur	121 200	IX. flokkur	51 600
V. flokkur	85 200		

2. gr.

Lyfjabúðum og lyfjasölum er skipað í flokka vegna greiðslu eftirlitsgjaldsins, sem hér segir:

I. flokkur:

Apótek Austurbæjar
Breiðholts Apótek
Ingólfs Apótek
Kópavogs Apótek
Reykjavíkur Apótek
Stjörnu Apótek

II. flokkur:

Borgar Apótek
Garðs Apótek
Háaleitis Apótek
Hafnarfjarðar Apótek
Holts Apótek
Laugavegs Apótek
Lyfjabúðin Íðunn
Keflavíkur Apótek
Vesturbæjar Apótek